

REPUBLIKA E SHQIPËRISË

**MINISTRIA E BUJQËSISË,
USHQIMIT DHE
MBROJTJES SË
KONSUMATORIT**

Nr. 1381 /
4 Prot.

MINISTRIA E SHËNDETËSISË

Nr. 1607 /
3 Prot

**MINISTRIA E MJEDISIT,
PYJEVE DHE
ADMINISTRIMIT TË
UJËRAVE**

Nr. 3810 /
1 Prot

UDHËZIM

Nr. 8 Datë 24. 7 2013

PËR

**MËNYRËN DHE PROCEDURAT E BLLOKIMIT, TË KTHIMIT NË VENDIN E ORIGJINËS,
TË ASGJËSIMIT OSE TË PËRMIRËSIMIT NË PËRPUTHJE ME TREGUESIT PËR
PLEHRAT E PAPËRSHTATSHME.**

Në mbështetje të nenit 102, pika 4 e Kushtetutës dhe të nenit 7, pika 2, të ligjit nr.10 390, datë 3.3.2011 “Për plehrat e përdorimit për bimësinë”, Ministri i Bujqësisë Ushqimit dhe Mbrotjjes së Konsumatorit, Ministri i Shëndetësisë dhe Ministri i Mjedisit, Pyjeve dhe Administrimit të Ujërave,

UDHËZOJNË:

1. Masat që merren lidhur me plehrat e papërshtatshme

1.1 Kur të dhënat e specifikuara në certifikatën e analizës dhe të originës nuk përputhen me ato të kryera në laboratorin e analizave dhe kur në përbërjen e këtyre plehrave ka elementë kimike jashtë standardeve të miratuarat të cilat përbëjnë rrezik për sigurinë e shëndetin e njerëzve, të kafshëve e të bimëve, si dhe rrezikojnë mjedisin, atëherë plehu konsiderohet i papërshtatshëm.

1.2 Në rastet e vendosjes në treg të plehut të papërshtatshëm sipas përcaktimeve të pikës 1.1 të këtij kreu, plehu bllokohet dhe mund të kthehet në vendin e originës, të asgjësohet ose të përmirësohet në përputhje me treguesit e përcaktuar sipas legjisacionit në fuqi. Për çdo rast plotësohet proces-verbal i inspektimit, akti i bllokimit dhe vendimi për procedurën e inspektimit sipas përcaktimit në shtojcat 1, 2, dhe 3 të këtij udhëzimi.

2. Procedurat në Pikat e Inspektimit Kufitar

2.1 Në pikat e Inspektimit Kufitar kryhet kontrolli i dokumentacionit të plehut ose lëndës së parë për prodhimin e tij, të përcaktuar në ligjin nr.10390, datë 03.03.2011 “Për plehrat e përdorimit për

bimësinë”)

2.2 Në rast se dokumentacioni i paraqitur nga prodhuesi, nuk është sipas kërkesave të ligjit nr. 10390, datë 3.3.2011 “Për plehrat e përdorimit për bimësinë” inspektori i Pikës së Inspektimit Kufitar, vendos për ndalimin e përkohshëm të hyrjes në territorin e vendit të ngarkesës, derisa prodhuesi të plotësojë të gjithë dokumentacionin përkatës brenda afatit të përcaktuar nga inspektori. Inspektori plotëson proces-verbalin e inspektimit përkatës sipas shtojcës 1 të këtij udhëzimi.

2.3. Kur prodhuesi edhe pas kërkesës së inspektitorit për plotësimin e këtij dokumentacioni, nuk e plotëson atë brenda afatit të përcaktuar në procesverbalin e inspektimit, atëhere inspektori i Pikës së Inspektimit Kufitar vendos për kthimin e plehut në vendin e originës. Në këtë rast njoftohet në mënyrë elektronike dhe Drejtoria e Përgjithshme e AKU-së dhe ngarkesa qëndron në terminalin doganor të pikës kufitare hyrëse ose në sheshin doganor të pikës kufitare nga vjen ngarkesa, deri në momentin e kthimit të ngarkesës në vendin e origjinës.

2.4. Kur inspektori i Pikës së Inspektimit Kufitar, gjatë kontrollit fizik të plehut, ose të lëndës e parë për prodhimin e tij, ka dyshime se vetitë fiziko-kimike kanë pësuar ndryshime, merr vendim për ndalimin e përkohshëm të hyrjes në territorin e vendit të ngarkesës si dhe njofton Drejtorinë Rajonale të AKU-së për marrjen e mostrave dhe kryerjen e analizave laboratorike zyrtare të mostrave të marra. Inspektori plotëson proces-verbalin e inspektimit sipas shtojcës 1 të këtij udhëzimi. Në këtë rast njoftohet në mënyrë elektronike dhe Drejtoria e Përgjithshme e AKU-së dhe ngarkesa qëndron në terminalin doganor të pikës kufitare hyrëse ose sheshin doganor të pikës kufitare nga vjen ngarkesa deri në përfundim të analizave laboratorike zyrtare, sipas afatit të përcaktuar në ligjin nr. 10390, datë 3.3.2011 “Për plehrat e përdorimit për bimësinë”.

2.5. Kur rezultatet e analizave laboratorike zyrtare të plehut ose të lëndës së parë për prodhimin e tij, përputhen me të dhënat e specifikuara në certifikatën e analizës dhe të origjinës, inspektori i Drejtorisë Rajonale të AKU-së njofton në mënyrë elektronike inspektoren e Pikës së Inspektimit Kufitar për këto rezultate, duke i dërguar edhe një kopje të skanuar të fletës së analizës. Me marrjen e njoftimit, inspektori i Pikës së Inspektimit Kufitar merr vendimin për lejimin e hyrjes së ngarkesës në territorin e vendit sipas vendimit për procedurën e inspektimit të përcaktuar në shtojcën 3 të këtij udhëzimi.

2.6. Kur rezultatet e analizave laboratorike zyrtare të plehut ose lëndës së parë për prodhimin e tij, nuk përputhen me të dhënat e specifikuara në certifikatën e analizës dhe të origjinës, inspektori i Drejtorisë Rajonale të AKU-së njofton në mënyrë elektronike inspektoren e Pikës së Inspektimit Kufitar për këto rezultate, duke i dërguar edhe një kopje të skanuar të fletës së analizës. Me marrjen e njoftimit, inspektori i Pikës së Inspektimit Kufitar, vendos kthimin e ngarkesës në vendin e originës sipas vendimit për procedurën e inspektimit të përcaktuar në shtojcën 3 të këtij udhëzimi.

3. Procedurat e bllokimit për përmirësimin e treguesve cilësorë ose asgjësimin gjatë fazës së prodhimit

3.1 Kur plehu ose lënda e parë për prodhimin e tij, prodhohet brenda territorit të Republikës të Shqipërisë, inspektori i Drejtorisë Rajonale të AKU-së kryen kontrollin e dokumentacionit të përcaktuar në ligjin nr. 10390, datë 3.3.2011 “Për plehrat e përdorimit për bimësinë”. Në rast se dokumentacioni i paraqitur nga prodhuesi, nuk është sipas kërkesave të ligjit nr. 10390, datë 3.3.2011 “Për plehrat e përdorimit për bimësinë” inspektori, vendos për bllokimin e plehut derisa prodhuesi të plotësojë të gjithë

dokumentacionin përkatës brenda afatit të përcaktuar nga inspektori. Inspektori plotëson proces-verbalin e inspektimit dhe akt-bllokimin sipas shtojcave 1 dhe 2 të këtij udhëzimi.

3.2 Inspektori i Drejtorisë Rajonale të AKU-së gjatë kontrollit fizik të plehut ose të lëndës së parë, ka dyshime se vjetët fiziko-kimike të tij kanë pësuar ndryshime, vendos për bllokimin e plehut, si dhe merr mostra për të kryer analizat laboratorike zyrtare. Inspektori plotëson proces-verbalin e inspektimit dhe akt-bllokimin sipas shtojcave 1 dhe 2 të këtij udhëzimi. Kur rezultatet e analizave laboratorike zyrtare të plehut të bllokuar ose të lëndës së parë për prodhimin e tij, përputhen me të dhënat e specifikuara në certifikatën e analizës dhe të originës, ky pleh konsiderohet i pershtatshëm dhe inspektori i Drejtorisë Rajonale të AKU-së, vendos për lejimin e vendosjes në treg të plehut, sipas vendimit për procedurën e inspektimit të përcaktuar në shtojcën 3 të këtij udhëzimi.

3.3 Kur rezultatet e analizave laboratorike zyrtare të plehut të bllokuar ose të lëndës së parë për prodhimin e tij, nuk përputhen me të dhënat e specifikuara në certifikatën e analizës dhe të originës, ky pleh konsiderohet i paparshtatshëm, dhe inspektori i Drejtorisë Rajonale të AKU-së, vendos për përmirësimin e treguesve cilësorë të plehut brenda një afati të përcaktuar, sipas vendimit për procedurën e inspektimit të përcaktuar në shtojcën 3 të këtij udhëzimi.

3.4 Pas kalimit të afatit të përcaktuar në vendimin e inspektimit të përcaktuar në pikën 3.3 më lart, inspektori i Drejtorisë Rajonale të AKU-së, kryen inspektimin përkates me qëllim verifikimin e përmirësimit të treguesve cilesorë të plehut të bllokuar. Inspektori plotëson proces-verbalin e inspektimit dhe merr mostrat për të kryer analizat laboratorike zyrtare. Kur rezultatet e analizave laboratorike zyrtare të plehut ose të lëndës së parë për prodhimin e tij, përputhen me të dhënat e specifikuara në certifikatën e analizës dhe të originës, ky pleh konsiderohet i pershtatshëm dhe inspektori i Drejtorisë Rajonale të AKU-së, vendos për lejimin e vendosjes në treg të plehut, sipas vendimit për procedurën e inspektimit të përcaktuar në shtojcën 3 të këtij udhëzimi.

3.5 Kur treguesit cilësorë të plehut të bllokuar ose të lëndës së parë për prodhimin e tij, të papërshtatshëm, nuk janë përmirësuar osc nuk mund të përmirësohen, por plehu ose lënda e parë për prodhimin e tij nuk përbën substanca toksike dhe nuk përbën rrezik, për sigurinë apo shëndetin e njerëzve, të kafshëve e të bimëve, si dhe nuk rrezikojnë mjedisin, atëherë Inspektori i Drejtorisë Rajonale të AKU-së merr vendimin për dërgimin e plehut të bllokuar ose të lëndës së parë për prodhimin e tij, në një landfill sanitari, për asgjësimin sipas procedurave të përcaktuara në legjislacionin në fuqi për këtë qëllim, si dhe ngarkimin e prodhuesit me këtë detyrim.

3.6 Kur treguesit cilësorë të plehut të bllokuar ose të lëndës së parë për prodhimin e tyre, të papërshtatshëm nuk mund të përmirësohen dhe plehu ose lënda e para për prodhimin e tyre përbën substanca toksike që përbën rrezik, për sigurinë apo shëndetin e njerëzve, të kafshëve e të bimëve, si dhe rrezikojnë mjedisin, atëherë inspektori i Drejtorisë Rajonale të AKU-së merr vendimin që plehu i bllokuar ose lënda e parë për prodhimin e tij, të etiketohet dhe të ruhet në një vend të izoluar të përshtatshëm, të përcaktuar në konsultim me inspektorët e strukturave përkatëse që mbulojnë fushën e shëndetit publik si dhe të mbrojtjes së mjedisit derisa të gjendet zgjidhja për trajtimin e tyre. Në këtë rast plotësohet proces-verbal i inspektimit, vendimi për procedurën e inspektimit të përcaktuar në shtojcën 1 dhe 3 të këtij udhëzimi. Prodhusi është i detyruar që brenda afateve të përcaktuara nga legjislacionit në fuqi për mbrojtjen e mjedisit dhe të atij për trajtimin e mbetjeve të rrezikshme, të ndërrmari procedurat e mëtejshme, për asgjësimin e tyre nga subjektet përkatëse të licensuara në këtë fushë.

4. Procedurat e bllokimit për përmirësimin e treguesve cilësorë ose asgjësimin gjatë fazës së tregtimit ose magazinimit

4.1 Kur gjatë inspektimit në ambientet e magazinimit dhe tregtimit të plehut ose të lëndës së parë për prodhimin e tij, Inspektori i Drejtorisë Rajonale të AKU-së dyshon se mjedisi i ruajtjes ose magazinimit nuk plotëson kushtet e përcaktuara në ligjin nr.10 390, datë 3.3.2011 "Për plehrat e përdorimit për bimësinë" dhe në këtë rast dyshon se vetitë fiziko-kimike të tij kanë pësuar ndryshime, merr vendim për bllokimin e plehut si dhe merr mostra për kryerjen e analizat laboratorike zyrtare. Inspektori plotëson proces-verbalin e inspektimit dhe akt-bllokimin sipas shtojcave 1 dhe 2 të këtij udhëzimi. Kur rezultateit e analizave laboratorike zyrtare të plehut të bllokuar ose të lëndës së parë për prodhimin e tij, përputhen me të dhënat e specifikuara në certifikatën e analizës dhe të origjinës, ky pleh konsiderohet i pershtatshëm dhe inspektori i Drejtorisë Rajonale të AKU-së, vendos për lejimin e vendosjes në treg të plehut, sipas vendimit për procedurën e inspektimit të përcaktuar në shtojcën 3 të këtij udhëzimi.

4.2 Kur rezultatet e analizave laboratorike zyrtare të plehut të bllokuar ose të lëndës së parë për prodhimin e tij, të prodhuar në territorin e Republikës së Shqipërisë nuk përputhen me të dhënat e specifikuara në certifikatën e analizës dhe të origjinës, ky pleh konsiderohet i papërshtatshëm, dhe Inspektori i Drejtorisë Rajonale të AKU-së, zbaton procedurën e përcaktuar në paragrafet nga 3.3 – 3.6 të këtij udhëzimi.

4.3 Kur rezultatet e analizave laboratorike zyrtare të plehut të bllokuar ose të lëndës së parë për prodhimin e tij, të importuar nuk përputhen me të dhënat e specifikuara në certifikatën e analizës dhe të origjinës, ky pleh konsiderohet i papërshtatshëm. Inspektori i Drejtorisë Rajonale të AKU-së vepron si më poshtë:

4.3.1 Kur plehu i bllokuar ose lënda e parë për prodhimin e tij nuk përbën substancë toksike dhe nuk përbën rrezik, për sigurinë apo shëndetin e njerëzve, të kafshëve e të bimëve, si dhe nuk rrezikojnë mjedisin, atëherë Inspektori i Drejtorisë Rajonale të AKU-së merr vendimin për dërgimin e plehut ose të lëndës së parë për prodhimin e tij, te bllokuar në një landfill sanitari, për asgjësimin sipas procedurave të përcaktuara në legjislacionin në fuqi për këtë qëllim, si dhe ngarkimin e prodhuesit me këtë detyrim.

4.3.2 Kur plehu i bllokuar ose lënda e parë për prodhimin e tij përbën substancë toksike që përbën rrezik, për sigurinë apo shëndetin e njerëzve, të kafshëve e të bimëve, si dhe rrezikojnë mjedisin, atëherë inspektori i Drejtorisë Rajonale të AKU-së merr vendimin që plehu ose lënda e parë për prodhimin e tij, të bllokuar të etiketohet dhe të ruhet në një vend të izoluar të përshtatshëm, të përcaktuar në konsultim me inspektorët e strukturave përkatëse që mbulojnë fushën e shëndetit publik si dhe të mbrojtjes së mjedisit derisa të gjendet zgjidhja për trajtimin e tyre. Në këtë rast plotësohet proces-verballi i inspektimit, vendimi për procedurën e inspektimit të përcaktuar në shtojcën 1 dhe 3 të këtij udhëzimi. Prodhusi është i detyruar që brenda afateve të përcaktuara nga legjislacionit në fuqi për mbrojtjen e mjedisit dhe të atij për trajtimin e mbetjeve të rrezikshme, të ndërrmari procedurat e mëtejshme, për asgjësimin e tyre nga subjektet përkatëse të licenuara në këtë fushë.

Shtojca 1

REPUBLIKA E SHQIPËRISË
MINISTRIA E BUJQËSISË, USHQIMIT DHE
MBROJTJES SË KONSUMATORIT
AUTORITETI KOMBËTAR I USHQIMIT

Nr.

Drejtoria Rajonale e Autoritetit Kombëtar të Ushqimit

Datë / /

Qarku.....

PROCES - VERBAL INSPEKTI

Në zbatim të ligjit nr.10390, datë 03.03.2011, "Për plehrat e përdorimit për bimësinë", ligjit nr. 10433, datë 16.6.2011 "Për inspektimin në Republikën e Shqipërisë", ligjit nr. 9863, datë 28.01.2008 "Për ushqimin", si dhe në VKM nr. 260, datë 27.03.2013 "Për caktimin e rregullave për kontrollin, marrjen e mostrave, analizave e të procedurave, dhënien e rezultateve të tyre si dhe vlerësimin i analizave të plehrave". gjatë kontrollit u konstatua:

- 1.....
- 2.....
3. Mora mostër për analiza të cilësisë së plehut.....

Kodi i subjektit prodhues (.....)

(*Ky kod nuk vendoset në proces-verbalin e inspektimit që dorëzohet dhe ruhet tek prodhuesi*)

Mora gjithsej 3 (tre) mostra dhe do të kryej këto analiza:

- Lloji i analizave që kryhen do t'i përbahet të dhënavë sipas etiketës të vendosur në paketimin e plehrave ose certifikatën e origjinës si dhe dokumentave origjinale shoqëruese.

- Analizat kryhen në laboratorin e miratuar :
- Analiza kimike.....

- Karakteristikat cilësore (ngjyra, përbërja granulore, kristalore, pluhur dhe lëngshëm ose forma të tjera).....

Bazuar në sa më lart vendosa:.....

(*Ky proces-verbal inspektimi mbahet në tre kopje. Njëra kopje i dorëzohet prodhuesit, një e merr inspektorët dhe kopja e tretë, dorezohet në laboratorin e analizave.*

Në proces-verbalin e Inspektimit që shoqëron mostrën për analiza, nuk vendoset emri i prodhuesit ose subjekti, por vetëm firma e përfaqësuesit.)

Prodhuesi ose Përfaqësuesi
(.....)

(.....)

Inspektorët

Shtojca 2

REPUBLIKA E SHQIPËRISË
MINISTRIA E BUJQËSISË, USHQIMIT DHE
MBROJTJES SË KONSUMATORIT
AUTORITETI KOMBËTAR I USHQIMIT

Nr. _____ Drejtoria Rajonale e Autoritetit Kombëtar të Ushqimit Datë / /
Qarku.....

AKT - BLLOKIMI

Në zbatim të ligjit nr.10390, datë 3.3.2011 "Për plehrat e përdorimit për bimësinë", akteve nënligjore të tij, në fuqi ligjit nr. 10433, datë 16.6.2011 "Për inspektimin në Republikën e Shqipërisë", dhe procesverbalit të inspektimit nr._____, datë ____ / ____ / ___, sot në datën ____ mbajmë këtë akt-bllokimi për plehrat e përdorimit për bimësinë, për subjektin privat.....

Me përfaqësues Z./Znj..... në Qarkun..... në Rrethin..... Komuna..... Fshati.....

Bllokimi bëhet në zbatim të pikës 1, nenit 7 të ligjit nr.10 390, datë 3.3.2011 "Për plehrat e përdorimit për bimësinë".

- 1..... sasia në kv.....
2..... sasia në kv.....
3..... sasia në kv.....
4..... sasia në kv.....
5..... sasia në kv.....
6..... sasia në kv.....

Sasia e plehut të bllokuar qëndron gjëndje në:

Akt-Bllokimi mbahet në 3 (tre) kopje, njëra prej të cilave i lihet prodhuesit, njëren e mban Drejtoria Rajonale e AKU-së e Qarkut dhe kopja e tretë dorëzohet në Drejtorinë e Përgjithshme të AKU-së.

Prodhuesi ose përfaqësuesi.

Inspektorët

(.....)

(.....)

Shtojea 3

REPUBLIKA E SHQIPËRISË
MINISTRIA E BUJQËSISË, USHQIMIT DHE
MBROJTJES SË KONSUMATORIT
AUTORITETI KOMBËTAR I USHQIMIT

Nr. _____ Prot.

Datë / /

Drejtoria Rajonale e Autoritetit Kombëtar të Ushqimit

Qarku.....

LËNDA: Vendim për procedurën e inspektimit të subjektit _____

DREJTUAR: Z. _____, Administrator
Subjektit _____
Adresa: _____

PËR DIJENI: Drejtorit të Drejtorisë Rajonale, Qarku _____
Drejtorisë së Përgjithshme të AKU-së

Inspektorët e Drejtorisë Rajonale, Qarku _____ në datë _____ kanë kryer inspektimin në subjektin me objekt _____. Gjatë këtij inspektimi, inspektorët kanë mbajtur procesverbalin e inspektimit me nr. _____ datë ____ / ____ / ___, aktin e bllokimit nr. _____ datë ____ / ____ / ____ dhe fletë analize nr. _____ datë ____ / ____ / ___, të cilat i janë paraqitur edhe subjektit. Nga këto dokumenta rezulton se: _____

Bazuar në sa më lart inspektorët vendosin:

- 1- Kthimin e plehut ose lëndës së parë për prodhimin e tij, të papërshtatshëm në vendin e origjinës; ose
- 2- Kthimin e plehut ose lëndës së parë për prodhimin e tij, të papërshtatshëm në vendin e prodhimit përmirësimin e treguesve cilësorë; ose
- 3- Asgjësimin e plehut ose të lëndës së parë për prodhimin e tij, si të papërshtatshëm.
- 4- Lejimin e futjes së plehut ose të lëndës së parë për prodhimin e tij në territorin e vendit.
- 5- Lejimin e vendosjes në treg të plehut.

Inspektorët

(.....)

5. Dispozita të fundit

Për zbatimin e këtij udhëzimi ngarkohen Ministria e Bujqësisë, Ushqimit dhe Mbrojtjes së Konsumatorit, Autoriteti Kombëtar i Ushqimit, Ministria e Shëndetësisë, Ministria e Mjedisit, Pyjeve dhe Administrimit të Ujërave.

Ky udhëzim hyn në fuqi pas botimit në Fletoren Zyrtare.


MINISTRI

GENC RULI



MINISTRI

HALIM KOSOVA



MINISTRI

FATMIR MEDIU



